

南江文鈔

南江詩文鈔序

清乾隆中文治極盛網羅千載綴彙九流往古未有倫比開四庫館以收海內祕籍擴永樂大典三萬餘卷以緝前代墜簡

詔徵天下博洽通才五人參預編摩授職詞垣而餘姚邵二雲先生與休寧戴東原先生爲之冠天下士大夫言經學必推戴言史學必推邵當時已爲篤論云然邵先生於學無所不通所撰爾雅正義外有孟子述義穀梁正義韓詩內傳攷南都事略宋史稿皇朝大臣諡迹錄方輿金石編目輶軒日記卒後書皆佚不傳獨

在館纂輯薛氏舊五代史在畢尚書幕編定續資治通鑑行於世續通鑑與爾雅正義二書亦畢生精力所萃者也先生高足弟子金匱孫侍郎曩都轉閩中先生之次子來游余一見之座上嘗從訪先生遺書卒不可得及侍郎以巡撫至之二年出所校南江文鈔詩鈔若干卷屬壽祺覆審將付鐫詩文特先生緒餘耳然如證鄭注周易之合雅詁辨坊本斜川集之偽跋日本五畿內志日本備圖詳敘島夷疆域據酉陽雜俎引唐裴瑜爾雅注知其本韓詩欲取大戴記曾子十篇小戴記之坊記表記緇衣儒行卽子思子四篇以配論語孟子辨子

夏易傳魏文侯孝經傳賈誼左傳解詁及七緯皆見削
於班氏藝文志其言多前人所未發其宅墓志家傳行
狀大略峻潔有體詩歸雅音明宮詞百首則仲初之儔
姚江權歌七十餘首則竹垞鴛湖之匹也中年以後長
篇歌行益臻勝境與瑞金羅臺山唱和諸篇又硬語排
冪直追昌黎亦足見先生之才無施不可矣先生負絕
人之姿讀書三數過終身不忘爲文章操筆力就承載
山南雷之傳又出錢曉徵詹事之門而客於朱笥河學
士使院益擴其學識奧博而精然性狷不附權要在禁
近二十餘年始躋學士其卒也齒僅五十有四使天假

之年而資以大力其所就豈可窮耶於乎浙東自南宋
以來文獻薈集縣延五六百年勝國遺聞軼事若唐魯
二王始末及抱節忠義之士往往未著竹帛爲中原耆
宿所不預聞自梨洲季野謝山諸老皆曠代逸才博洽
彊記轉相口授以逮於先生先生歿而舊聞絕矣區區
文字云乎哉雖然吾聞先生之族祖有諱廷采字思魯
者康熙中隱君子通算術兵法著思復堂文集發明姚
江之學傳述遺民舊德著東南紀事西南紀事載明季
故實會稽章學誠推崇甚至先生許爲之校正卒不果
今其書存已不可知而先生之集猶得畱傳以待賢

弟子而行不可謂非通儒不朽之一端也壽祺雖不及見先生然少讀先生書心嚮往之久矣今乃幸預編校之役以附名簡末此固後生小生景慕之私不禁攬卷而奮然以興者也道光乙酉夏六月福州後學陳壽祺

刻南江詩文鈔序

辛卯夏余友文靖孫公寄其師邵二雲先生集并貲屬
爲校刊多病遠巡踰歲讎勘始畢首應制文次雜著次
詩分卷十有六以札記四卷附焉梓成而文靖歸道山
已十閱月矣昔文靖與余直詞館編纂全唐文其晨夕
者凡六年每值夜深談藝稱述其師之學之才謂作文
則操筆立成誨人則更僕忘勑未嘗不歎先生之得天
獨優文靖之所得於師承者有自也文靖得師經史之
學敷爲章奏得師文藝作爲詩歌得師立品之超見事
之明以莅官行軍卓然媲古大臣風烈是先生之業文

靖爲盡得其傳先生可以無憾獨惜斯集編排之成文
靖不及一見相與札商去取之得失也至其集之奧衍
綜博足資考鏡與闡明姚江學術之宗派者有章傳陳
序已備言之道光壬辰冬十一月仁和後學胡敬

南江邵氏遺書序

餘姚翰林學士邵二雲先生以醇和廉介之性爲沈博
邃精之學經學史學竝冠一時久爲海內共推無俟元
之縷述矣乾隆丙午元初入京師時前輩講學者有高
郵王懷祖興化任子田暨二雲先生元咸隨事請問捧
手有所授焉先生本得甬上姚江史學之正傳博聞強
記于宋明以來史事最詳學者唯知先生之經未知先
生之史也于經則覃精訓詁病邢昺爾雅疏之陋爲爾
雅正義二十卷發明叔然景純之義遠勝邢書可以立
於學官在四庫館與戴東原諸先生編緝載籍史學

諸書多由先生訂其略其提要亦多出先生之手先生
又曾語元云孟子疏僞而陋今亦再爲之宋史列傳多
譌欲刪傳若干增傳若干顧皆未見其書今先生久卒
于官所著書惟爾雅正義先已彙行今令子秉華等復
彙南江札記四卷南江文鈔若干卷次第皆成尚有南
江詩鈔十卷韓詩內傳考一卷舊五代史考異宋元事
鑑考異大臣謚跡錄方輿金石編目若干卷未彙將次
第彙之以貽學者元旣心折于先生之學行又喜獲交
于令子秉華能輯先生之書俾元受而讀之得聞先生
未罄之緒論也謹記數言以諗同學者嘉慶九年夏四

月揚州阮元序

邵與桐別傳

會稽章學誠撰

餘姚邵氏既歿

乾隆選謹按先師諱晉涵字與桐號二雲

入四庫館纂修

除翰林院庶吉士散館授編修辛亥大

考遷左中九歷侍

講讀久之轉左庶子侍講學士充

日講起居注官

由文淵閣校理進直閣事預修三通

國史

萬壽盛典入旗通志校勘石經春秋三傳咸安

官官學總裁

國史館提調庚子科廣西正考官丁未

科庚戌科教習

庶吉士生乾隆八年癸亥卒嘉慶元年

丙辰年五十四祖

向榮康熙壬辰科進士鎮海縣教諭

父佳釵增廣生傳

文略而不載蓋別傳體也今補注備

考名流多為狀述碑誌

余自度文筆未足抗也邵氏弟

子大興朱錫庚屢書促責余為文謂余有一二知深宜

不可默余誼不敢辭然君卒數年矣余屢就其家求其

遺書墜緒庶幾徵余所知乃竟不可得今日廢不能書

疾病日侵恐不久居斯世苟終無一言不特負死友於九原亦且無以報錫庚之責口授大略俾兒子貽選書之貽選固嘗受學於君者也辭義未備或稍資補注焉昔史遷著書自命春秋經世實本董氏天人性命之學淵源甚深班氏而下其義微矣貽選謹按司馬遷嘗受自敍荅壺遂語意可見班固儒林傳於春秋傳授無司馬遷名是固不知遷學所自出也而藝文志尚列太史公於春秋家仍劉向七錄之文耳劉向固受公羊春秋者也南宋以來浙東儒哲講

性命者多攻史學歷有師承宋明兩朝紀載皆稿薈於浙東史館取爲衷據其閒文獻之徵所見所聞所傳聞者容有中原者宿不克與聞者矣邵氏先世多講學至

君從祖廷采善古文辭著思復堂文集發明姚江之學
與勝國遺聞軼事經緯成一家言蔚然大家惜終老諸
生其書不顯於世事詳大興朱先生筠所撰墓表貽選
謹按
廷采號念魯先生思復堂文集之外尚有東南紀事西
南紀事姚江書院志略等書大抵講性命而又長史學
也君宿慧英敏自童子塾時讀書無難易三數過卽終
身不忘稍長益涉獵博聞強識見者驚猶鬼神乾隆三
十年乙酉始舉於鄉期集京師都士爭求識面辛卯禮
部會試第一

賜第罷歸會四庫館開

特詔徵君與歷城周永年休寧戴震等五人入館編校

授職翰林天下榮之君自視泊如也君之於學無所不通然亦以是累志廣粹不易裁見大興朱先生則曰經訓之荒久矣雅疏尤蕪陋不治以君之奧博宜與郭景純氏先後發明庶幾嘉惠後學君由是殫思十年乃得卒業今所傳爾雅正義是也然君才尤長於史自其家傳鄉習聞見迥異於人及入館閣肆窺中祕遂如海涵川匯不可津涯當辛卯之冬余與同客於朱先生安徽使院時余方學古文辭於朱先生苦無藉手君出據前朝遺事俾先生與余各試爲傳記以質文心其有涉史事者若表志記注世繫年月地理職官之屬凡非文義

所關覆檢皆無爽失由是與余論史契合隱微余著文
史通義不無別識獨裁不知者或相譏議君每見余書
輒謂如探其胸中之所欲言閒有乍聞錯愕俄轉爲驚
喜者亦不一而足以余所知解視君之學不啻如稊米
之在太倉而君乃深契如是古人所稱昌歆之嗜殆有
天授不可解耶方四庫徵書遺書祕冊薈萃都下學士
侈於聞見之富別爲風氣講求史學非馬端臨氏之所
爲整齊類比卽王伯厚氏之所爲考逸搜遺是其研索
之苦襃績之勤爲功良不可少然觀止矣至若前人所
謂決斷去取各自成家無取方圓求備惟冀有當於春

秋經世庶幾先王之志焉者則河漢矣余嘗語君史學
不求家法則貪奇嗜瑣但知日務增華不過千年將恐
大地不能容架閣矣君撫膺歎絕欲以斯意刊定前史
自成一家時議咸謂前史榛蕪莫甚元人三史而指功
則宋史尤難君遂慨然自任貽選謹按先師嘗謂宋史
東都賴有王氏事略故也故先輯南都事略欲使前後
條貫粗具然後別出心裁更爲趙宋一代全書其標題
不稱宋史而稱宋志亦見先師有微意焉然南都尚未
卒業而宋志亦有草創皆參差未定稿也諸家狀誌但
稱南都事略當屬傳聞未審貽選
嘗親承其說於先師其實如此
嘗據宋氏與史策流

傳大違異者凡若干條燕閒屢爲學者言之貽選謹按
中或尚有可訪識者知君筆削成書必有隨刊疏鑿之功蔚爲
家藏殘稿

藝林鉅觀詎知竟坐才高嗜博官程私課分功固多晚年日月益促又體羸善病人事蹉跎其閒遂致美志不就淹忽下世以數百年聞叢見集若將有待以大其成者一旦散失不可復聚不特君之不幸亦斯文之厄也已故總督湖廣尚書鎮洋畢公沅嘗以二十年功屬賓客續朱元通鑑大率就徐氏本稍爲損益無大殊異公未愜心屬君更正君出緒餘爲之覆審其書卽大改觀時公方用兵書寄軍營讀之公大悅服手書報謝謂迥出諸家續鑑上也

貽選謹按先師爲畢公覆審續鑑其義例詳家君代畢公論續通鑑書與

畢氏初鈔僅就徐氏增損之本迥

異聞邵氏尚有殘稿恐未全耳

公旋薨於軍其家所

刻續鑑僅止數卷殺青未竟家旋籍沒君之所寄不可
訪矣嗟乎昊天生百才士不能得一史才生十史才不
能得一史識有才有識如此而又不佑其成若有物忌
者然豈不重可惜哉貽選謹按先師所著爾雅正義外
傳攷皇朝大臣謚迹錄方輿金石編目輟軒日記內
南江文鈔南江詩鈔在館修輯則有薛氏舊五代史君
居家孝友與人忠信度諸家傳誌所已詳者余不贅也
惟於余愛若弟兄前後二十餘年南北離合歷歷可溯
得志未嘗不相慰悅至風塵潦倒疾病患難亦強半以
君爲依附焉今君下世五年而余又衰病若此追念春
明舊遊意氣互相激發何其盛也而今安在哉悲夫

論曰乾隆癸卯之春余臥病京旅君載余其家延醫治
之余沈困中輒喜與君論學每至夜分君恐余憊余氣
益壯也因與君論修宋史謂竢君書成後余更以意爲
之略如後漢晉史之各自爲家聽決擇於後人君因詢
余方略余謂當取名數事實先作比類長編卷帙盈千
可也至撰集爲書不過五十萬言視始之百倍其書者
大義當更顯也君曰如子所約則吾不能然亦不過參
倍於君不至驚博而失專家之體也貽選謹按先師深契家君專家宗旨
之議故於宋史主於約馭博也爾雅正義既成自謂此書苦心不難博證而難於別擇之中能割所愛耳乃外人竟有病其略者
斯事所以難言余因請君立言宗旨君曰宋人門戶

之習語錄庸陋之風誠可鄙也然其立身制行出於倫常日用何可廢耶士大夫博學工文雄出當世而於辭受取與出處進退之間不能無簞豆萬鍾之擇本心既失其他又何議焉此著宋史之宗旨也余聞其言而聳然乾隆己酉庚戌之間君以才學爲權要人所知稍誘進之君毅然弗屈故以是齟齬終身君不自恤也嗚呼著書之貴有宗旨豈漫然哉

族子廷楓曰叔父嘗自謂生平蘊蓄惟先師知之最深亦自詡謂能知先師之深與世殊異者三先師以博洽見稱而不知其難在能守約以經訓行世不知

其長乃在史裁以漢詁推尊不知宗主乃在宋學此傳特申明其意耳凡傳例所應具者此皆略而不載蓋詳人之所略則必略人之所詳古人本有此法非變例也叔父所著通義中有知難篇言古今知心之難讀之使人流涕若叔父與先師之知彼此可不負矣

貽選謹按家君於辛卯冬與先師同客太平使院家君言次盛推先師從祖念魯先生所著思復堂文集謂五百年來罕見先師甚謙抑疑家君爲先師故不免過譽之也家君正色曰班馬韓歐程朱陸王其學

其文如五金貢自九牧各有地產不相合也洪鑪鼓鑄自成一家更無金品州界之分談何容易文以集名而按其旨趣義例乃在子史之間五百年來誰能辦此先師雖諾未深然也癸巳春正初旬家君訪先師於姚江里第盤桓數日先師謂家君曰近憶子言熟復先念魯文信哉如子所言乃知前人之書竟不易讀子乃早辨及此至今未經第二人道過卽道及亦無人信也先念魯得此身後桓譚無憾於九原矣因屬家君校定其書將重刻以行世以原刻未盡善也念魯先生膠庠附學窮老海濱聞見容有未盡所

述史事不無一二疎舛鄉之後起名流如全氏祖望
多排詆之故先師以是爲屬家君因言全氏通籍館
閣入窺中祕出交名公鉅卿聞見自宜有進然其爲
文雖號大家但與思復堂集不可同日語也全氏修
辭飾句蕪累甚多不如思復堂集辭潔氣清若其泛
濫馳驟不免漫衍冗長不如思復堂集雄健謹嚴義
無枝剩至於數人共爲一事全氏各爲其人傳狀碑
誌敍所共之事複見疊出至於再四不知古人文集
雖不如子書之篇第相承然同在一集之中必使前
後虛實分合之閒互相趨避乃成家法而全氏不然

以視思復堂集全書止如一篇一篇止如一句百十萬言若可運於掌者相去又不可以道里計矣至於聞見有所出入要於大體無傷古人不甚校也王弼洲之雄才博學實過震川而氣體不清不能不折服於震川之正論今全氏之才不能遠過弼洲而思復堂集高過震川數等豈可輕相排詆是全氏之過也先師深契此論故屢促家君校正其書家君亦以有所慎重因循久之比先師下世家君急欲踐諾而求索其書不得蓋原版藏先師家前此屢有印送皆爲他人攫去恃藏版易印也乃近年屢索其書竟不見

報今家君目廢不能校書則此事已矣家君老病中
深以此事爲恨與先師宋史殘稿不得一窺涯略以
致傳中無所發明均有無窮之慨也

南江詩文鈔目錄

卷一

應制文

卷二

應制文

卷三

應制文

卷四

應制文

卷五

南江文鈔

目錄

賦擬疏記序

卷六

序

卷七

序

卷八

書策問攷跋書後題辭銘贊

卷九

傳

卷十

祭文 行狀

卷十一

墓誌銘

卷十二

四庫館書提要稿本

卷十三

古今體詩一

卷十四

古今體詩二

卷十五

古今體詩三

卷十六

古今體詩四

附詞

南江文鈔卷第一

餘姚 邵晉涵 與桐

恭進乾隆五十九年 起居注摺

欽惟我

皇上

德合乾行

化徵恒照

撫五而昌辰懋啟祉治熙重

式九而景運融延祥昭綏萬得位得祿得名得壽

天其申命用庥斯立斯行斯來斯和

帝惟從欲以治臣等忝司記注祇效編摩珥筆
彤墀欣就日瞻雲之最近紬書

紫禁愧闕天溲海之難工甲本葶春四敍決

春膏之溥寅惟演善八方撫善氣之調合左言右動以
成函徧乾絡坤維而

錫福伏見我

皇上寅孚

昊貺景溯

先型

兩郊協對越之儀虔陳琮帛

九廟肅居歆之典恪奉尊彝兆應魚占練吉而

祈年

穹殿時當龍見蔭嘉而禱歲

雩壇

顯謨裕凝命之基

欽觀

實錄

闕殿切奉先之孝

祗遫

前光開

經幄以敷言

典學常勤於乙夜闢銅扉而

莅政求衣時惕於

辰居秉燭猷章

行殿凜寸陰之競簽名引對品官逮初試之微彰厥有
常慎成規以歲省所其無逸仰

盛治之日新當夫春茂郊圻

時巡津淀

覩歡迎於鳩杖

賚賞先頒

戒雜綴於龍舟紛華宜屏峙精加隨營之旅
賜金及引纜之夫

優復田租廣被綿於潤野展徵商課裕煮雪於香盆吏
邀晉級之榮矜薄胥而仍叨華綬士預陳詩之選嘉耆
彥而兼

錫鏐牌瀛屋添籌頌

行春於平秩

山莊避暑宣養日於長贏上尺流膏識農叟霑濡之樂
積寸損數寬令牧申報之虛沿途則蠲賦四分列障則
增糴一月羣慶

豫遊於夏諺共覘熙洽於春臺至於

念切田功

心殷民瘼隔年雁集猶切

疇咨偏壤蠹生每縈

清問汶濟停霖之地平糶先施滄瀛待澤之區正供遞
減代晉偶逢急漙結屋而咸與撫綏衛懷近接洪流濟
筏而倍加軫恤沔陽浸溢備蓋席以傳餐漳郡潮衝
允鳩工以代賑桂海則調施蠶戶揚場則惠逮鹽丁猶
籌畿甸之未敷米銀三撥更念豫齊之連歉口賦全紆
襟帶江湖借下田之籽種黍苗膏雨貸晚稼之農資資

月酺以胥盈旗營卒歲增禾困於普濟律谷回春蓋水旱偶有偏禨而

宵旰必先焦慮

滂恩廣被徧九州而攸同

睿念充周靡一夫之不獲惟通民隱在厲官方彰瘡一本夫大公功罪悉由其自取吉林之派灘減等用戒瞻徇新疆之錄廢加銜預防冒濫常調而瀆陳專摺資緣之弊當除夾單而復用擬簽矛盾之詞宜飭職分屯牧務排秩次於正陪遞發傳郵合準事端之輕重唐古忒安疆立界爰與

褒嘉噶拉依給地墾田仍殷體恤闕額而別無侵蝕貰
虧課之關差結商而顯有交通嚴禁私之鹽政效成監
局甄勞遠及於邊員符綰專城薦擢漫施於世胄越疆
奪犯傲大吏之養安同省容貪斥總司之隱護失餉託
因聽訟莫憑縣令支辭履隄竝亟繪圖兼錄署曹幹事
繕營房而逾六載罰董役之遲延泄盜案而淹十年治
理官之茸關金甌覈數勿隨監督開除錢幣周輪重整
司農出納傳教詎容兔脫懲中州緝捕之疎私鑄漸致
雲興振邊省懈弛之習凡此旌淑而別惡總期大法而
小康因之綏靖邊疆澄清軍汎降才庸之總鎮寧許濫

竿罷年老之提臣難教戀棧水師而改從陸路燭規避
之隱情義民而克效戎行免查抄之薄罰戕氓構釁決
把總而兼治施鎗陷衆挾嫌配外委而先行荷校懸案
停其領餉詰盜嚴巡緝之防試技課其呈材都肆黜生
疎之弁

風霆無非至教

衡鑑詎有微歧法協允中

矜全格外遲讞刑以貶秩幹材試佇開藩緩督捕而繳
廉練事還教移撫酌平劑於醴政郡守仍攝監司憶核
實於彈章部屬復叨言職凡曲成以

示德期湔濯以蓋愆況有微長定加敘錄奉使原非選事襄災賑而

予褒護防本有專司保險工而進裘漕渠利楫嘉捷轉於雲帆河汭安瀾敘工堅之薪樵宿彥遺經克闡補諡增

華袞之榮藎臣大體能諳加廕

賜縹纓之飾至若援情定律弼教明刑義切急援綱繫橐砧之重案因互坐情紓手足之連海靖而俗革頑風垂矜民命塞暑而

詔清庶獄立召天和兇忍駢殘踰勾期而難稽顯戮罪

孥連謫開戍籍而復許生還律布明條戒秋曹之重比
事同常例咎罍吏之急章皆繇止辟之心詳昭參聽果
協

好生之德風動四方迺復

醲澤覃敷

湛恩疊沛因寅疇之推測占卯建之虧盈數致歲千本
有預知之術象徵儀兩倍昭虔省之誠在前代之降詔
具文求言每託於更化惟

聖主之應

天以實修德莫大乎惠民萬艦雲漕

普免供輸於秋賦千倉玉粒彌崇櫛比於冬藏京庾早
儲夫餘三畝獲迭豐其及秭

天無私覆屢調善歲以平登

帝有恩言更

軫窮簷之積欠豁其按限悉除正耗帶緩之徵

蠲及累年溢餘億兆京垓之數宋室之權停倚閭罕此
優饒元世之半賜舊逋渺斯洪廓騰來黃紙徧山陬海
濫而歡呼瞻望

丹宸景蒼趾華顛而軒舞燭時鏡宇際千載之

昌期忭慶翺祥祝

億齡之寶算是以太和翔輯協氣旁流典重
作人覆覈免秋闈之試符徵

錫壽

賜科徧耆俊之班史訂正牙辨駁文以傳信經鐫壽石
寬舊本之流通琉球獻琛效鳧趨於象譯荷蘭納贄萃
鱗集於鴻臣百歲聯閭厄魯特引年樹楔八荒在闕廓
爾喀進表敬關

聖神文武之朝至於海隅罔不率俾

聰明審知之德凡有血氣莫不

尊親而我

皇上方且履盛思謙持盈保泰

蕃祉備彰於

五福咸覩久道化成

聖衷惟念夫八徵猶勵自強不息

臣

等叨居兩史愧乏

三長謹排事以敘時茲成編於隔歲垂五三六經而竝

重欽有秩之

宸謨總二十四冊以恭呈頌無疆之

聖祚

代奉天朝士謝恩摺

欽惟我

皇上

純久凝禧

顯融懋緒緬

盛烈而禮行

展謁春秋屆五載之期懷

肇基而化溯敦龐豐沛慶

四巡之典虔奉

闕宮

冊寶長昭璧瑞於

天中歡迎

輦路旌旗共仰

鸞輝於道左幸依

福宇倍徵化日舒長孔樂

畱京疊沐

恩膏滂沛燦奎文而依溯

閣聳雲霞溥瀆潤而懷柔

祠崇丹雘十八處城環紫甸式新煥其層譙千萬廂粟

溢丹腴更

全蠲其正賦宅流等減聆烏報而銘

慈營衛技嫻校鷹騰而被

葵廣菁莪於髦士芹澗生香捧菽帛於耆年衢尊含哺
湛露累級班聯欣效趨跼洽醴登春億兆同娛仁壽旗
天增忝士庶臚歡臣等邇瀆受塵

闕廷供職趨迓未隨於父老歡騰如接夫歌謳偕白山
草木以敷榮

生成世荷聽

彤霞絲綸之宣布鼓舞情深樂利不忘綿

德澤培埴之遠

南江文集

卷一

九

帡幪永戴篇

純熙翺治之庥

生民未有賦

謹序代作

臣竊惟敷讚聖言翊揚至德惟孟子闡洙泗之源知協時中而集大成者爲生民所未有又引子貢等百世之禮樂而歎爲生民未有有若舉河岳麟鳳之品彙而推爲生民未有者互相證通聿昭定論伏覩我皇上行健日新化成悠久

古稀天子猶日孜孜仁益積而義益懋德彌盛而治彌神

豐猷醇理實爲萬古所稀夫萬古稀者卽所謂生民未有也臣幸奉

清光賡

昌運癸卯秋八月恭遇

聖壽七十三歲令節嘉祥備致九有臚歡

臣敬撰生民

未有賦一篇用彰一揆同符以發揚萬古稀之盛于奕

誤其詞曰

華伊道營極建沈奧昇揚遂行躔運環以蒼蒼七衡七
緯圓旋而表憲三辰三形象定以立常精者作聖實始
紀綱綴學立制洪業亮昌宣金鏡於典墳理珠囊於簡
牘泉源漸兮海涵黼藻彰兮雲郁表相贊揚日輝星煜
化丹篆于虹文紀端門而受籙貽述作于方來啟昌時

之芳躅惟不已之盛心配純熙于於穆猗夫

大聖人之馭宇也大中立訓皇極敷言乾符坤珍采煥
苞宣因機著象卽事見端悉至誠之流露秉造化以爲
權嘗仰窺于全韻之詩

四閣之記彙雅義而諧和冠斯文以精粹貫史乘而爲
網燦圖書以悉備仰

顯謨丕烈之昭垂統

淵溯津源而竝彙伏讀御製全韻詩包括廿二史

衷歸至當至平韻詩敬述見至隱燦如日星諭鑑定衡

尤爲冠冕百代歲壬寅四庫全書第一分繕成藏皮盛烈

文淵閣其三分則分藏于文淵閣文津閣文源閣

閣御製四記原本傳心之要津速百流盛典鉅製

古今罕觀闢發圖之啟畫徵實象于雲天水包孕而躋轉辨

渾蓋於元詮易象雲上於天諸儒舊解皆作雲在天下

之義體天明象與卦象不符自流別之分殊判小人與君子戒立異

訂千古之傳講以求是君子小人之名本於經訓後世

以競名貴循實御製君子小人論在各敦實行而不必分設其名

仰見至論精純篤聖學之踐修杜萬世之流弊煌煌乎與六

經同炳矣即一二所窺測昭奕葉以允猷折中六藝論

定千秋矧夫

御詩四萬

御文六百富有日新顯融懿赫煥

天章與

宸筆宣玉振而金聲協時中於條理集羣聖之大成經緯扶興榮鏡博厚信作者之謂

聖爲生民所未有若夫契合節和典昭禮樂釐位正名設官分爵承

重熙于累洽懋章制以懿爍釐義疏于淹中勝石渠之析議審音韻於述微定律呂之正義逢

釋奠於泗林

頒彝器以十事列木鼎與犧尊敦蟠夔而並置模雲紛

以雷同傳鎬洛之法製

乾隆三十六年

頒發周木

寶

鐘夔鳳足鑿鑿廟四足鬲於曲阜

暢

孔廟典器

輝煌益彰

崇儒之盛

皇威以遠被撫月嶠於天山率歸誠兮扈特通澣海于
星源鑄鐘出于雪嶠王磬來自和闐比器車與河圖效
山瑞兮川珍庶嘉種兮穀璧奉虔恪於

郊壇庸順祉于修秩慶備物于宮懸

自西陲底定闢地二萬餘里闕鳥普

悉隸版圖痕都斯坦歲時入貢因其貢金產玉置爲鑄鐘特磬器良樂備爲前代所未觀

審物候

以占時叶靈臺之月令羅甲子以重輪齊時憲以立政

月令稟角解向係傳譌今蒙

睿諭改爲璽角解時

憲書向列甲子一週今增列百二十歲俾薄海生民同

壽宇焉

溯昇黻之代變仰禮器之成圖守衣冠而習騎

射由舊章而奉

前謨錫冠帶於遠徼赴梯航以樂孚

禮器圖儀制周詳爲百世所遵守

御製序闡明收時黼黻與時更易所當恪守國俗勿
改衣冠勿忘騎射所以纂先業而裕後昆者實

無疆之辨方位而立職定列署而設官厥任輕重視事
爲慶云

簡繁內閣以奉傳宣勿矜宰輔督撫以宣諭化屬效安

填都統則八旗環置駐防則各省駢連增健銳以分營

壯驍貅于禁衛歌嘽嘽而推推瞻廣模于軍制酌損益

以得中備秩品以翼保稽有無及升降列職官而作表

職官表備考爵位之古有今無前繁後簡者次第分載

如內閣大學士爲傳奉絲綸之地與古之宰相不同總

督巡撫爲填鎮地方之要職皆加案以發明其義八旗

都統駐防將軍皆我朝定制卓越前古增置健銳

營更見軍緬

制之善焉

聲律兮

身度溥明物而察倫昭天地兮禮樂贍未有于生民且夫時雍之化首親親也盡物之性先及兆人也懷柔者川岳效靈也咸若者嘉美畢臻也

聖天子惠普恩滂展親睦族兆麟趾之昌蕃思承庥之靈淑廣宗室以封爵自王公以及奉恩其世遠而散秩荷賜秩之

溫綸冠以飾首服以章身值孟陬之令日歌行葦于几筵衍慶者葉綿百億與宴者人及二千藹孝弟而興仁

讓迪醇風于八埏

宗室自王公貝勒貝子將軍世襲有差其餘爲閑散宗室無頂戴官銜四

十七年秋

詔如蒙古王公台吉塔布囊之例各予頂戴四十八年正月

賜宴

乾清宮與宴者共

二千人各頌如意
朝珠文玩銀綺
迎化日之舒長歌屢豐于樂歲本于
室之盈寧更渥叨夫

優賚

普錫漕糧者再

全錫正賦者三數京垓而億萬期藏富于閭閻益民長
裕

春澤沛覃中土於流版築是視展限緩征仰承

德意迺復廣

鴻慈布

闡澤免千萬之輸將與兆黎以休息

恩有加而靡已桐茂豫以樂滋感格誠于

吳綽協風雨而如期

河南撫臣以漫工夫料銀九百四十餘萬請分作三十年緩征卽奉

恩諭

前此普免天下地丁錢糧者三次普免各省

漕糧者

二次不惜萬萬帑金俾閭閻共臻康阜今大工

告歲與斯民咸慶盈寧之福此次所請分年攤征銀九

百四十五萬三千九百餘兩及工次攤征未完銀九十

四萬五千餘兩普行豁免真非常之鴻澤也若甘肅之舊逋因藉牟于官吏

立寬程于八年本逾時以推暨并

立寬程于八年本逾時以推暨并

賜愷而統蠲肇邊氓以樂利

甘肅積年帶征銀糧督臣奏係地方官冒混非因災

歉所致展限八年帶征以示軫恤

恩旨以甘肅地

瘠民貧分年帶征仍恐不免追呼將累年未完銀二十

四萬六千四百五十六兩糧一百三十六萬九千二百

九十一石均加恩豁免以紓民力體恤民隱洵爲邊民

夢想所

際豐亨以豫大荷一視而同仁遊康衢而忭舞

不及

娛

壽世之壽民若豫洛及淮揚爲黃流之下注漫儀封而
就遷繞舊隄而如纁承

睿慮之周詳改新隄而鞏固孚川后兮輸靈順安瀾兮

濬裕

儀封考城漫口連年未平命大臣相度仰奉聖謨堵築青龍岡於歸德舊址更築新隄引河南

下從此河流順軌永慶安瀾東南際海護岸柴塘

親臨相度甃石爲防連山影于峽石分急溜于鹽倉濤
澄海晏永輯耕桑

海隄自改築石塘爲鞏固不川嶽望移之計海國生民羣得樂業

幸

盛典升中

春膏渥洽翹首呼嵩宅豐鎬于

陪都泝

靈長于

壽宇瞻

橋山之弓劒懷櫛風與沐雨紀

盛烈之駿龐啟萬年而宣許翳

孝治之延洪介景福而式薄麟鳳翱翔華平掩映甘醴

達于淵泉卿景耿于緯政自生民以來未有如

今日之盛者也

臣謹拜手稽首而獻頌曰承

昌會兮亨期奉

清訓兮彤墀賡歌兮

聖治祝

曼壽兮萬古稀

聖駕巡幸津淀賦

謹字代作

臣某言 臣聞陶唐有哲陽之歌 夔哉之舞 維時辯章 雖協壇封 兆濬之典 懋焉淳耀 朗燭達迴 顯幽白叟黃童 應律引緒 所爲余謠 中謠僉比 於八音四會 用以炳龍翼而崇冠德 暨八風脩通 卿雲蓂蓂之詠 綈洪輝景炎 克彰斯爽 禋欽惟我

皇上惇澤滂仁 肇和翊壽 舉絃埏埴 溼承休蒙 煦之倫 逖順邇霑 悉濡育於純篤 綿長之

昌運 輯慶變驪鳴 喁于于羣 忭騰軒翥 歌頌昇平 聿在神臯 拱衛首善 上區矚瞻 伊邇獲俾 近

商山志卷一
光顧誕望

幸歲在戊申二月恭迓

鑾輿

巡津浚

省民觀俗

闔澤覃敷周浹綸厖鴻潤煜凡在畿甸黎庶或野而
叱或澤而斂黔黜黃髮屬歌迭和矢口勰音相與羨陳
揚繹於

盛治夫覆幬之容巍煥之象莫可繪焉莫能名焉矧愛
曝甘芹之知慮誠不足仰窺

緯績闕休之萬一然覆覈厥言皆端由於衷泯所雕飾
忱舒愛戴不約而同聲者豈不以至和翔洽流形於莫
克自己哉臣舊厠詞垣得與載筆之列茲又職在採風
宜有臚敘謹就攸見聞梗槩其要指獻賦一篇以抒下
情卽以宣

主德遭逢之盛視周尹吉甫召虎之矢音實遠過之臣
不勝大幸其詞曰

有歌衢童子問於孳壤老人曰夫俊風協則麓土滋旭
日閭則春英楸性類遵理懷厥時而朗光藻者迺鏡榮
乎宇宙方今翼

景福展

壽圖昭

茂典啟

昌模

天子舉時巡之禮和煙祥郁環繞於東西之沽鋪聞者
鱗聳愜覲者鳧趨詩博澤而繇豐亨煌煌乎觀訓之上
儀也盍亦展采以賡厥盛乎擊壤老人曰竊自恕安耕
鑿之日久矣沈潛匪洽聆正聲而維則願吾子其遂言
之歌衢童子曰析木之津實維天漢承箕臨斗拱薇垣
爲屏翰星精孕泣疇彙滋豐依躔而運望逡而從蓋自

震旦東啟建高極而臨無外者邦畿乃宅乎土中翼翼
其廬展展其車榻聯轅湊達於交衢屹沙渾以疏臺遂
東臨乎滄海通梯航而朝宗萃衆流而交匯繫輪灌之
奧區輶淵騫以谷鶩延寧敎于樂郊用得屢邀夫
宸顧著雍良歲渚灘景辰日暄風淑陶以仲春迺陳
翠罕引

龍旂奉

鑾輅臨芳圻

御蹕所經溫瞻晨曦旣

春膏之溥霑潤郊容以婉嬾披蔥郁而流丹雉飛翬於

下
卷一
隴麥生上尺而翼新憶深培兮臘雪霏青靄以連畦知
天顏之悅懌林轉原柔波環城迴繡簇如茵玉流如瑩
望

慈雲而迎

雖有若雷動以騰歡方瞻依之近接迺

軫念之彌殷釋華崇實

異命重申屏亭臺之雕絢省排當以糾紛塗蠲陌潔因
俗宜民觀農氓之繇耒祈上腴於均田物維錯而評矩
列充物於通闔頸企踵駢輪囷絡繹供不費夫絲毫
惠先頒夫菽帛顛白捧持臨衢慶額相與觀羽衛之琴

森從官之秩敘繚垣之周迤旗幟之環扈鏘鏘焉條條
焉促促焉增增焉令儀修而

鴻章舉也迺循川涂引

御艫雲螭導水鶴呼鷁飛矯首鯢展分鬚霞標結柱虹
檻垂裾淀東西兮合璧津上下兮貫珠穿厖潛而深闕
淵欲渟而矩如望海門兮曳練青界白而縈紆濃滴赴
於箭筈受總攸於歸墟臻寧瀾於萬里靜陽侯與天吳
錦汭內蟠沙靜如拭融兩岸兮柳荑汀颭蘋以漾碧披
芳草兮繇芊晃綠波而一色習翠羽於條柯淦柔簪於
荇茹徵咸若於飛潛卽

熙朝之靈沼奉

天儀以照鑒舒長日而風和獲近依夫

德耀兮又重沐以

恩波蕙蘅兮充被疊稠兮孚嘉爰布

德音宣

溫綍

慶惠滂

闔施浹奉

清蹕所經由編茅闔以

賜復憶正賦之

三蠲裕盈寧以

錫福野餘青穠之糧戶溢紅芒之粟屆茲

優賚之重頒彌廣倉庾之儲蓄躋懋俗而心臧演順徵而式穀復有雪竈分岡香盆納海入夏凝霏先春簇采蘆繞臺環潞交汴區調醴運以通宜

恩有宣而咸逮守土諸吏虔奉職司小廉大法

嘉予晉資環衛東西海濱屯望青雀穿波丹鱗列嶂荷賞騰歡同懷挾纘錄及矜疑均承

慈恤烏報春聲苔旋雨色時則庠序菁莪之士進中和樂職之詩敷

蕃祉于燕喜占儀吉於鴻達三輔擢英之幹南州翹秀
之枝廣

教思而籲俊蒸髦士以攸宜乃煥

堯章宣

羲畫珠斗爛其光華雲漢縈其紛郁

示展義以勤民恒孜孜以永日契仁智而同符

題華堂以偕樂臨柳墅而

對時播醇風而率育緯

寶思以周融

皇敷言而建極用以祗格

蒼穹昭宣無斁又奚論乎壇山之封巒岐陽之獵碣湖
自丹剖黃芽揚精汁紀宓始軒開殷則周制秩章順古
顯猷炳儀敷鴻景鑠洵莫盛夫

今時者矣縱形容之莫罄窺測所未盡知而含和吐氣
胥合頌而同辭擊壤老人曰禱歟

盛德之光昭所爲湧湧原泉而浸潭濛汜哉吾子少長
津門獲觀

懋禮嘔嘔嘖嘖引吭忭起依芳蔭而鴈鳴歛煖律而爵
喜固其宜也然子亦知夫

國家純篤延洪之慶與夫

大聖人勤政惠民申錫崇庥之至意乎乾顯其符坤效其珍元融景煜瑞際

昌辰

聖天子昭

欽若奉

神謨持健行以悠久溥

德威於八區雪山月嶠金川炎徼輯共球而向

化者燿燿乎益地之圖縹文綠字牙籤錦暉集古今而

統會者洋洋乎

祕閣之儲

六巡江浙

籌河

觀海西臺中嵩順

豫遊而布

愷者丕丕乎懋懋乎允猶翁而

醇沃鋪也淪肌浹髓合太平丹穴大蒙空桐仁智信武
之倫而竝效其歌歛也曩者扶杖

京國鼓腹而嬉述邇歲所覩記廣吾子所未知粵惟璿
平衡正

國壽迎釐仰

南江文鈔

卷一

七

仁祖之創典延

福宇而承禋式

貽謀以繩

武翼纘

緒於

丕基奠哉千載不易逢之嘉會而茲迺申覲夫

亨期是日也曜瞳矐披鰐鯨角亢爲經長庚列緯瞻

御仗於

丹墀朗景輝於

華蓋率先黃閣之臣下逮羽林之屬遂遂踳踳載鶩載

蹕鬢隳皓而轉蒼瞳絜方而點綠

聖皇膺延喜之瑞晉

萬壽之觴廣筵

盛賚左右分行瀛尊山豆璘璘煌煌登伊耆之歌奏陰
康之舞虹旃彩旂之竝陳巢籥管籥之備舉裊鱣煙之
網繼肇康強而承

祐廣紉纓於

卿雲茂豫桐而揚詡大小稽首

賜予便蕃有紆而燠有鳩而安蜚

鳳紀者衍五十奉

寶錄者臣三千樹崇坊於人瑞仍歲積以駢連引恬引
養

盛治所由日新也典學成均辟雍古制節觀園璧韓嬰
狀其模辟明離和班固繹其義遞唐宋與元明湮舊聞
而一致積二千載而締造際

右文之

聖朝導文瀾於學海典視昔而爲昭爰審階除量廣袤
碱白石以成梁疏清泉以引澗翠柏映以蔥蘢荇藻敷
其芳縟規度合而月園肉好周而璧受用以璀璨文樞
淪疏道牖仲春吉月

釋奠禮行符

聖德以合揆宣玉振與金聲懿

君師之兼備敷大中以訓行

睿思

鴻藻詩五萬而文五百川方至而日增韻叶乎英莖韶
夏蘊該乎三五六經臨

御筵而抒論修六藝以昌明潤璇源以圖折播鐘鼓以
鏗鉤青衿國子觀聽園橋涵濡

教澤

雅化所以常昭也若夫古樂疇傳繁音間作辨商魯於

徵茫記鏗鏘之梗略辨琴律於姜夔助大工於沈約矧
又唐翻隴曲晉雜吳音道騫從其楚讀宗元續以粵吟
周雅於昭之什郢歌章誦之名縱抑弦以引縵或緩節
以遣聲究未審律元於迭柳而理樂論于敏經惟昭晰
於

宸聰信聲律而身度辨分於龍門之桐研和於明月之
璐

詔禮臣以審宮

命樂部以協羽應五六以起中和通正調而布濩繫三
百之徵歌循南幽於四始西河敘咏言之端蘭陵定中

聲所止夏奏九而敝曲多疎笙譜六而暫詞徒擬合般
賚之充殷暨陔華之順比知成文以通理隨夏擊以克
諧義有端而響叶要無取乎聯排越唯疏而唱歎旬味
淡而聲希黍銖辨析五間六橫準自然爲羸縮訖雅管
於由庚記曰移風易俗莫善於樂

聖人所爲感人心而天下和平也且子亦聞夫津淀之
源委乎道紫漢而分支翼蒼龍而疏首相傳爲禹貢徒
駭之經流而呂覽大昭之數也東淀則混混同同通激
漾壑穿爲澮流漪淪淪抱曲碕以迤迴勢欲旋而盤
鬱西沽則渟窪積埒浩淼滌紆隄頭廨近筐港檣須培

高壘道接於莊衢達塌河於七里導歸瀛以東輸亘恒
岌以朔蟠歸鉅瀝以成浸蒙

洩視之

躬親迓山鳴於

萬乘繞綺闥以備宣擬芥園以左拓先以節使之經營
繼以司空之相度戒闢戶以相延又踵事乎繩縮改濬
術於上游仰

九重之獨斷興濟毗以邇行捷地瑩而合渙送五兩於
南帆載萬箱於北岸濠靜流澄三登上善

閤引河之開濬晴虹垂以長隄傍鹿囓而東赴迴鷹嘴

以西躋化要衝以泯險覆長短以合宜

給水衡以庀役靖經久而爲基若中亭之旁濡曾渾河
之借洩啟金門之奔湍豈窪村之可遏舉長菱以鍵維
斯迴瀾之寧謐猗滹沱之盈注波沿村而鋸牙旣剔鬣
之順軌溜東歸而刷沙茂薰馨於春綠光上黍之稠華
致

瞻禮於

淀神莫懷柔於川后達

精誠以安瀾慶樂綏而

孚祐亶輸灌之攸資舒

宸襟而順愜秩穡事於康功牧醴戶以樂業猶且
天懷謙挹

申誠益覆乘時春豫

聖謨孔彰子徒欣幸于

慶澤之溥博而尚未悉夫

聖主籌民之切固若是其周詳也方今上瑞會

天庥臻

壽宇敞

福履申屏藩帶衛暨四方岳牧之臣欲忱輯慮民隱具

陳祝

禧頌

祉臚以

介純備

嘉祥於五世肇麟趾以振振景星融融醴泉湜湜鳳采
九苞華平一色嵩高九節之萑綏岫千齡之寶百嘉駢
集

萬福具來海添籌而長承

寶紀縣及於億兆京垓於是老人童子軒翮作壑頽望
樞躔徧雲蒸而霞蔚

聖駕五巡江浙恭紀

雅一十二篇
謹序代作

臣竊惟唐虞書昉言巡狩至周遂傳殷頌協于樂章漢唐以還鉅典或闕而不舉間立樂府辭蹇義淺不足稱美盛焉欽惟

皇上德溥化醇時雍光被

俞東南臣民之請

五幸江浙

行慶施惠藏富于民

至誠感孚河海澄晏爰舉舊章秩祀修祐辨材育士昭儉還淳擊壤康衢駢臻人瑞融乎懋哉自生民以來未

有盛於

今日者也臣備員

禁近謹據見聞所及演爲雅詩十二篇每篇各分章句
視周頌篇幅不啻倍之遭遇

亨期得拜手稽首以廣揚

盛治以恢廓雅頌分章限句之範圍斯則臣之厚幸也
與

上章紀昌期也壽域愷和東南望 幸 天子

展義省方紹 皇祖丕烈 五巡江浙慰厥

兆人焉

上章由庚慈善建子嘉以通正養日延紀溥彼東南雖
調總理甘雷重雲咸受多祉

其一眷茲南國

鑾輿時巡四和供極

恩澤濡春歲酉以迄今粵十有五年或閏而竚或淵而
騫

其二

天子曰俞籲此臚誠岳牧入告孚厥兆萌緬

仁皇謨訓率

祖攸行孟陬春啟典叶便程

其三

泰交之期得合以五五

建大中疇陳倫敘

堯德臨民五益其數慶奉

五巡鼓鼙軒舞

其四

右四章章八句

誦訓觀民間俗也

鑾輿南巡自畿甸經齊魯達

江淮及吳越

恩澤徧而民俗淳矣

誦訓土訓道志辨方泰遠祝臬蒙汜太平薄海內外來
享來王仁遇義治時夏陳常

翠華臨蒞

嘉惠南疆

其一

勸褐東來燕安善首陽魯陰齊岱雲如阜

泗匯淪漪淮交清瀏三江委輸具區之藪建德同風浙

河左右

其二

雅洽光昭維民之質堅肥息美土性是率業以三餘殖
以百室惟恬惟熙歡迎

鳳蹕含哺而歌舒長

化日

其三

右三章章十句

稠華紀豐裕也

壽宇延庥全蠲正供

清蹕

所經

屢賜恤免復畱截漕艘俾資平糶爲利用

厚生計者至深遠也至優渥也

稠華之黍挺秀于塹雙岐之麥植于郊埵禾穰芄芄其

葉猗儺嘉穠自生茂滋隴下

其一

百昌和裕時惟豐年

帝有恩言正賦普蠲崇墉百室長裕益民

仁壽貞符與物咸春

其二

恩膏稠疊富以倉箱

惠先畿甸達于江鄉山分青兗澤繞徐揚三登載獲無

事輸將

其三

東南漕運尾銜艫舳十萬之資俾畱儲蓄用

佐常平用滋穰稔既阜而康以遂以育

其四

右四章章八句

翁河誌字祐也河漫儀封命重臣董治

御舟渡

清口

聖心虔禱百神效職河復故道永慶安寧

詔增神秩竝

賜宸翰崇廟額焉

翁河順注其流湜湜協應以時

聖人之德

其一

伊維儀封蟠負洪河蟻隄漲葦交流湧波

二其迺命重臣俾司相度拓厥引河板堵胥作

其三

磐折參

伍以行奠水因執善激辨其經委

其四

宸衷眷念誠邇神誠

安福臚中禋禱純詹

其五

引河既疏河流復道衝辰漫塗

金隄是保

其六

瓦箱維南養以薰風迴瀾就注滉濱沖融

七其河流既復

其七

百神受釐崇封飭宇

宸藻光施

其八

雲梯之關黃流順度陶莊隄聲茲萃

其九

南江文鈔

卷一

三

右九章章四句

安瀾念海疆也海寧塘爲浙右保障

命建石塘

以垂永固

安瀾

題榜照耀海昌滄瀛積水近接池隍以隄爲障以積爲

鄉于時廬舍于時農桑擔水之石魚鱗之塘其惟此塘

功昔傳柴寅朝潮夕汐伏流滋漬權厥重輕程石爲礪

伊石性之堅巉巖分次斫石用貞濟川取義其曲江之

濤秋以爲期樓聚程功爰相其時翳東南之利翳耕植

之資惟此塘功曰慎永思經斯營斯成鞏固之基其

右三章章十句

精禋修祀典也

南巡舉行舊章命官告

陵寢祭闕里望泰山及于南鎮山東祀少皞陵駐

蹕江寧於明太祖陵親致奠焉

精禋以享昭假維虔

列聖貽謀

佑啟萬年無逸作所行健法

天勤民蒞政

盛烈昭宣

其一闕里之堂近

聖人居遣祀致敬思類樂胥

右文稽古四部收儲端門立法用垂寶書

其二

岱峯啟圉

雲濡昌寓竹箭之英南鎮作柱望秩聿修流澤覃紆宜

燠宜寒日暘日雨

其三

肇古金天日問官里鳴鳥書祥園

畱郊子覽圖考蹟前陵絜祀丹鳳高岡鳴

盛喜起

其四

明祖舊陵鍾山之椒禁厥遊牧勿俾薪薨

至尊臨蒞奠醴芳郊

恩深培護感荷

聖朝

其五

右五章章八句

芳醴澤及下也分祭名臣之墓暨舊臣之篤念服勞

者竝蒙

賜祭

湛恩無不逮也

芳醴惟濡春風載敷近臣分祀將事穆愉相古猷績懷
翌

皇圖

其一

鬱蔥之城防阜相擁臣節有光

皇圖是鞏荷茲

寵榮勗茲靖其

其二

靖其效職

垂念舊臣近屬封域瞻矚卿雲敬承

天獎隴首生春

其三

右三章章六句

陳詩造士也多士獻賦 召試之浙江 賜中書者

四人江南 賜中書者十一人江西 賜舉人者二人

陳詩髦士志慕賡颺西湖浙水有美惟杭兩江文教治

于豫章其春風扇和日華麗水仰捧

天題鳧藻志喜願摛其華爲披其綺其二

惠茲南國因才擷英裁成長青在阿之菁薇垣中選桂

籍書名其三鶴鳴于臯鴻漸于陸文明啟治羣才連穀炳

煥

天章江山馥郁其四

右四章章六句

州序廣學額也江浙人文之藪歡迎

鑾輅俾廣

其弟子員額開其始進之階焉

州序黨塾光分璧水

典學有臣偕偕士子詩咏作人譽髦斯士江介浙川人

文蔚起鄉校始基踰濟濟

其一

枚枚頻宮鬱彼棧樸或

薪或標

聖謨洋洋懋增科目行舉言揚克勤厥始昭示周行南

邦向煖春彙含昌

其二

閤以教育四術既崇禮陶樂淑四

民之首審端式穀進取惟期束躬思勗春誦夏弦習業

有常先民是程

其三

南江文鈔

卷一

三

右三章章十句

淳化尚樸也吳越好繁華

聖訓崇儉抑奢俾風

俗還淳三致意焉

淳化克敦素修宜樸吳越之區水潤土沃或慕粉華而
趨繁縟上厯

聖懷俾申約束董在官寮移厥風俗其一惟奢是抑惟儉

是崇禮生于有國富在農日用飲食翼翼雍雍首先創

造莫不率從豈繁南土道一風同其二相彼蓺穫經始惟

勤如彼楨幹質有其文南榮之曝照以溫暾恬和示日

登臺熙春祇奉

德音八表化淳

其三

右三章章十句

方岳飭吏也

聖朝政治肅清迎

鑾官吏寬

其小過無過者許晉階焉

方岳分治牧令親民惟民之近惟善之因宣揚

德意如被春溫

其一

民力旣紓吏行克舉歡奉

鑾輿和風揚詔赦過進律

恩波被溥

其二

恩波被溥慶繞

行圍澄心夙夜恪事慎微小廉大法惟國之肥

其三

右三章章六句

三壽昭瑞應也福建舉人郭鍾岳年百歲浙江魯文
光章廣奇壽屆期頤矍鑠迎 鑾歡歌 盛治

太平之上瑞也

三壽作朋龐眉皓首地接浙閩耕學相守

翠輦南巡歡迎恐後拜獻厥誠無疆

萬壽

其一

臣郭鍾岳秋賦承

恩率應賸耀稽首

宮門臣章廣奇暨魯文光及承式等捧紵含溫其二背聞

榮洛五老觀河耕田鑿井華胥有歌豈如三壽黃髮皤

幡率先諸老娛樂太和

其太和

盛世宜阜安兮諺陳遊豫

恩普宣兮禎符上叶被高年兮角亢徵壽頌

南山兮

其四

右四章章八句